

IZVJEŠTAJ SASE (APRIL 2010)

U aprilu 2010. godine na Sarajevskoj berzi-burzi ostvaren je ukupan promet od 12.739.719,43 KM, što čini 41,74% od ukupnog prometa koji je ostvaren na BH berzama. U sklopu 1.952 transakcije prometovano je 11.094.833 vrijednosnih papira.

EKONOMIJA

Industrijska proizvodnja u Federaciji Bosne i Hercegovine u mjesecu martu 2010. godine u odnosu na prosječnu mjesečnu proizvodnju iz 2005.godine veća je za 23,0%, a u odnosu na prosječnu mjesečnu proizvodnju iz 2009. godine manja je za 0,3%, u odnosu na proizvodnju iz istog mjesecaprošle godine veća je za 2,5%, dok je u odnosu na februar ove godine veća za 7,4%.

Federacija BiH je u periodu I-II 2010. godine ostvarila izvoz u ukupnoj vrijednosti 625.726 hilj./tis. KM, što je za 17,2% više u odnosu na period I-II 2009. godine. Izvoz u februaru 2010. godine ostvaren je u vrijednosti 338.112 hilj./tis. KM, što je za 32,5% više u odnosu na februar 2009., a 17,6% više u odnosu na januar 2010. godine.

U februaru/veljači 2010. godine ostvaren je uvoz u vrijednosti 597.136 hilj./tis. KM, što je za 6,1% manje u odnosu na februar 2009. godine, a 24,9% više u odnosu na januar 2010. godine. Procenat pokrivenosti uvoza izvozom Federacije BiH za period I-II 2010. godine je 58,2% i viši je za 14,1% u odnosu na period I-II 2009. godine kada je pokrivenost iznosila 44,1%, odnosno manji za 2,0% u odnosu na januar 2010. godine kada je pokrivenost iznosila 60,2%.

Trgovinski deficit Federacije BiH za period I-II 2010. godine iznosi 449.563 hilj./tis. KM.

Učešće Federacije BiH u ukupnom izvozu Bosne i Hercegovine za period I-II 2010. godine je 66,9%, a u ukupnom uvozu 64,6%. Prema KD-u, najveća vrijednost izvoza u periodu I-II 2010. godine ostvarena je u području D "Prerađivačka industrija" u vrijednosti 569.376 hilj./tis. KM, što iznosi 91,0% ukupnog izvoza. Najveća vrijednost u uvozu 930.298 hilj./tis. KM ostvarena je u području D "Prerađivačka industrija", što iznosi 86,5% ukupnog uvoza.

Ukupan broj zaposlenih prema kadrovskoj evidenciji u mjesecu februaru/veljači 2010. godine na području Federacije BiH je 423.557 osoba, što predstavlja smanjenje broja zaposlenih za 0,1% u odnosu na januar 2009.godine. U poređenju sa godišnjim prosjekom broja zaposlenih u 2009. godini na području Federacije BiH došlo je do smanjenja broja zaposlenih za 0,7%. Krajem februara 2010. godine u Federaciji Bosne i Hercegovine na evidencijama službi za zapošljavanje bilo je 358.410 nezaposlenih osoba, što predstavlja povećanje za 746 osoba ili 0,2% u odnosu na januar 2010.godine.

Prosječna mjesečna isplaćena neto plaća po zaposlenom za februar 2010. godine u Federaciji Bosne i Hercegovine iznosi 786,33 KM.

Prosječna mjesečna isplaćena bruto plaća po zaposlenom za februar 2010. godine u Federaciji Bosne i Hercegovine iznosi 1.194,32 KM.

Osnovni pokazatelji	2006	2007	2008
Nominalni BDP (u mil. KM)	19.121	21.647	24.717
Nominalna stopa rasta (%)	13,0%	13,2%*	13,6%
Realna stopa rasta (%)	6,9%	6,0%*	5,4%
Stanovništvo (procjena, 000)	3.843	3.842	3.841
BDP per capita (KM)	4.976	5.634	6.435
Broj nezaposlenih (000)	516	527	493
Prosječne plate u BiH (KM)	575	645	752
CPI (Indeks potroš. cijena)	6,1%	1,5%	7,4%
Vanjski javni dug	21,2%	17,9%	16,7%
Izvoz (u mil. KM)	7.058	7.991	9.101
(stopa rasta)	26,3%	13,2%	13,9%
Uvoz (u mil. KM)	12.672	14.957	17.449
(stopa rasta)	1,6%	18,0%	16,7%
Trgovinski bilans (% BDP-a)	-29,4%	--32,2%	-33,8%
Prosj. kurs BAM/EUR	1,95583	1,95583	1,95583

Izvor: Direkcija za ekonomsko planiranje

*procjena DEP-a

SASE

Na Kotaciji kompanija je ostvaren promet u iznosu od 1.083.628,46 KM ili 14,78% od ukupno ostvarenog redovnog prometa. Na ovom segmentu tržišta prometovano je ukupno 62.379 dionica. Najveći promet na Kotaciji kompanija ostvaren je dionicama emitenta "Bosnalijek" d.d. Sarajevo u iznosu od 1.073.478,66 KM, uz mjesečni porast kursa od 10,25%. Na drugom mjestu po prometu nalazi se emitent "Sarajevo osiguranje" d.d. Sarajevo sa ostvarenim prometom od 10.149,80 KM i padom vrijednosti dionica od 5,88%. Dionicama emitenta "Klas" d.d. Sarajevo, nije bilo zaključenih transakcija u aprilu 2010. godine..

Na Kotaciji fondova, promet ostvaren u aprilu iznosio je 179.483,28 KM ili 2,45% od ukupno ostvarenog redovnog prometa. Najveći promet na Kotaciji fondova ostvaren je dionicama emitenta ZIF "BIG Investiciona grupa" d.d. Sarajevo u iznosu od 94.300,19 KM, uz mjesečni porast kursa od 11,92%. Na drugom mjestu po prometu nalazi se emitent ZIF "Bosfin" d.d. Sarajevo sa ostvarenim prometom od 21.119,04 KM i padom vrijednosti dionica od 5,36%. Dionicama emitenta ZIF "Crobih fond" dd Mostar, koje su u aprilu doživjele pad vrijednosti od 0,74%, trgovano je u obimu od 17.881,55 KM. Na ovom segmentu tržišta prometovano je ukupno 44.705 dionica.

Na Kotaciji - obveznica, promet ostvaren u aprilu iznosio je 3.145.773,30 KM ili 42,90% od ukupno ostvarenog redovnog prometa; od toga se obveznicama ratnih potraživanja Federacije BiH trgovalo u iznosu od 2.311.360,31 KM, dok je sa obveznicama stare devizne štednje FBiH, ostvaren ukupan promet u iznosu od 834.412,99 KM. Na ovom segmentu tržišta u sklopu 667 transakcija prometovano je 10.308.336 obveznica.

Promet na Primarnom slobodnom tržištu iznosio je 2.367.092,79 KM ili 32,28% od ukupno ostvarenog redovnog prometa. Najveći promet na Primarnom slobodnom tržištu u aprilu ostvaren je sa dionicama emitenta "BH Telecom" d.d. Sarajevo u iznosu od 711.439,03 KM. Na drugom mjestu po ostvarenom prometu nalazi se emitent JP "Elektroprivreda BiH" d.d. Sarajevo sa iznosom od 675.775,22 KM. Treće i četvrto mjesto zauzimaju "Fabrika duhana Sarajevo" d.d. Sarajevo sa prometom od 419.241,97 KM, te "IK banka" d.d. Zenica sa ostvarenim prometom u iznosu od 136.923,80 KM. Veliko interesovanje investitora vladalo je i za dionicama emitenta "Šipad komerc" d.d. Sarajevo, čijim se dionicama trgovalo u iznosu od 76.390,25 KM.

Promet na Sekundarnom slobodnom tržištu iznosio je 555.504,05 KM ili 7,57% od ukupno ostvarenog redovnog prometa. Najveći promet na Sekundarnom slobodnom tržištu u aprilu ostvaren je sa dionicama emitenta "Standard" d.d. Sarajevo u iznosu od 210.624,00 KM. Na drugom mjestu po ostvarenom prometu nalazi se emitent "PBS" d.d. Sarajevo sa iznosom od 160.000,00 KM. Treće i četvrto mjesto zauzimaju "Banja Kiseljak" d.d. Kiseljak sa prometom od 52.256,00 KM, te "Bihačka Pivovara" d.d. Bihać sa ostvarenim prometom u iznosu od 34.650,00 KM. Interesovanje investitora vladalo je i za dionicama emitenta "Prevoz radnika Kreka" d.d. Tuzla, čijim se dionicama trgovalo u iznosu od 21.890,40 KM.



U mjesecu aprilu promet na Tržištu za emitente u stečaju iznosio je 2.140,00 KM ili 0,03% od ukupno ostvarenog redovnog prometa. Najveći promet na Tržištu za emitente u stečaju ostvaren je sa dionicama emitenta "Majevisa" d.d. Srebrenik u stečaju u iznosu od 1.575,00 KM.

U aprilu 2010. godine na Sarajevskoj berzi bile su prijavljene 3 vanberzanske transakcije u ukupnoj vrijednosti od 112.873,00 KM.




Kod indeksa investicijskih fondova BIFX-a, u mjesecu aprilu, zabilježen je porast vrijednosti od 0,77%. Pad je zabilježen kod indeksa Primarnog Slobodnog tržišta SASX-30, čija je vrijednost pala za 0,42% u odnosu na prethodni mjesec. Vrijednost glavnog indeksa Sarajevske berze-burze – SASX-10 je zabilježila pad od 2,49% u odnosu na prethodni mjesec.

APRIL 2010

Br. uvrštenih emitenata	530
Zvanična kotacija	3
Kotacija fondova	11
Primarno slobodno tržište	30
Sekundarno slobodno tržište	457
Emitenti u stečaju	29
Novo-uvršteni emitenti	1
Obustava prometa	0

Struktura investitora**Daily turnover**

Indeksi SASE	31.03.2010	30.04.2010.	%
BIFX	1.668,94	1.681,87	0,77%
SASX-10	1.022,27	1.017,98	-0,42%
SASX-30	1.058,98	1.032,60	-2,49%



TOP DESET EMITENATA (APRIL 2010)

rb	Emitent	Promet u periodu (KM)	Broj VP	Broj transakcija	Posljednja cijena prethodnog perioda	Posljednja cijena perioda	Promjena
1	Bosnalijek d.d. Sarajevo	BSNLR	1.073.478,66	61.161	349	18,60	10,25%
2	BH Telecom d.d. Sarajevo	BHTSR	711.439,03	32.533	208	22,47	4,32%
3	FBiH obveznice ratna potraživanja ser. A	FBIHK1A	689.759,13	2.489.389	101	28,00	7,86%
4	JP Elektroprivreda BIH dd Sarajevo	JPESR	675.775,22	22.542	85	30,04	0,13%
5	FBiH obveznice ratna potraživanja ser. B	FBIHK1B	613.099,80	2.330.341	96	26,98	17,30%
6	FBiH obveznice ratna potraživanja ser. D	FBIHK1D	450.128,48	1.979.417	96	24,49	28,89%
7	Fabrika duhana Sarajevo dd Sarajevo	FDSSR	419.241,97	4.271	158	99,99	3,48%
8	FBiH obveznice ratna potraživanja ser. C	FBIHK1C	326.655,37	1.339.871	78	25,97	11,46%
9	FBiH stara devizna štednja serija C	FBIHKC	299.318,52	361.925	70	84,40	4,70%
10	FBiH obveznice ratna potraživanja ser. E	FBIHK1E	231.717,53	1.094.156	82	23,01	27,83%

BIZNIS VIJESTI

U maju prodaja paketa od 1.507.724 Bosnalijekovih dionica. Agencija za privatizaciju u Federaciji Bosne i Hercegovine objavila je da prodaje paket od 1.507.724 dionica u državnom vlasništvu emitenta "Bosnalijek" d.d. Sarajevo.

Vlada Tuzlanskog kantona danas je dala saglasnost na Odluku Upravnog odbora Kantonalne agencije za privatizaciju o odobravanju korigovanog Programa privatizacije i početnog bilansa stanja preduzeća "Konjuh" d.d. Kladanj na dan 31.12.2009. godine.

Banjalučka pivara lider u primjeni Zakona o privrednim društvima
"Banjalučka pivara" je prvo akcionarsko društvo koje je počelo da posluje u skladu sa novim Zakonom o privrednim društvima i standardima korporativnog upravljanja.

Kompanije u BiH očekuju dalja smanjivanja broja zaposlenih u idućem razdoblju, pokazali su rezultati istraživanja koje je u martu 2010. provela kompanija PricewaterhouseCoopers(PwC).

UTTD 21. decembar iz Zenice ide u likvidaciju

Fabrics obuće "Aida" Tuzla odobreno 120.000 KM

Njemački "RWE" zainteresovan za hidroelektrane u RS-u

Opštinske obveznice i u FBiH
Lokalnim zajednicama u Federaciji BiH konačno će biti dozvoljeno izdavanje municipalnih obveznica, a što će im omogućiti finansiranje razvojnih projekata.

Fabrika konditorskih proizvoda "Mira" iz Prijedora zabilježila je u prva tri ovogodišnja mjeseca značajan pad prodaje, kako na domaćem, tako i na tržištima zemalja bivše Jugoslavije, što je uslovalo i smanjenje proizvodnje.

PING Sarajevo - prva kompanija u BiH koja je dobila "IT Mark" certifikat

Poznata turska kompanija Cilek čiji proizvodi krase sobe oko dva miliona mladih od 0-24 godine širom svijeta zainteresovana je za ulaganje u drvoprerađivačku industriju naše zemlje.

Okončana prva faza projekta SASE - IFC

Sarajevska berza-burza vrijednosnih papira (SASE) i Međunarodna finansijska korporacija (IFC), članica Grupacije Svjetske banke, potpisale su Ugovor o saradnji u okviru kojeg je predviđena analiza korporativnog upravljanja u društvima čijim se dionicama trguje na berzi. Svrha je utvrđivanje eventualnih nedostataka i obuka s ciljem unaprijeđenja sistema upravljanja.

SASE i IFC su u periodu od decembra 2009. do marta 2010. godine u BH Telecomu, Vispaku iz Visokog, Tvornici cementa Kakanj, Diti Tuzla, Mapexu iz Maglaja, te Vranici, Opresi i Pak Centru iz Sarajeva obavili analizu korporativnog upravljanja na osnovu standarda propisanih Kodeksom korporativnog upravljanja Sarajevske berze-burze. Slijedeća aktivnost planirana za ova društva je obuka u mjesecu maju, koja će se fokusirati na oblasti korporativnog upravljanja za čije unaprijeđenje društva iskazuju interes.

Novi brend Pivare Tuzla: Erster pivo na tržištu

U povodu plasiranja na tržište novog brenda piva Erster, Pivara Tuzla upriličila je prijem za predstavnike medija, na kojem su prisutni pored zvaničnih informacija o njegovoj proizvodnji i degustirali novo pivo, obišli proizvodni pogon i punionicu koji rade po najsavremenijoj tehnologiji.

Pivara Tuzla krenula je sa proizvodnjom Erster piva početkom januara 2010. godine u PET ambalaži od 2 litra. Ovih dana krenula je i proizvodnja u bocama od 0,33 litra kao i limenkama od 0,50 litra.

Rudnik Kakanj ide u korak s vremenom

Krajem prošlog mjeseca Rudnik Kakanj podnio je Federalnom ministarstvu okoliša i turizma zahtjev za izdavanje okolišne dozvole za izgradnju postrojenja za prijem, pripremu i utovar uglja u vagone, potvrdio je za ekapija.ba Elvedin Čolo, direktor za razvoj, investicije i projektovanje u Rudniku Kakanj.

Bosnalijek u 2009. godini zaradio devet miliona KM

Vrijednost imovine "Bosnalijeka" iznosi 173 miliona, a obaveze 59,6 miliona KM.

"Bosnalijek" je završio prošlu godinu sa devet miliona KM profita, što u odnosu na prethodnu godinu predstavlja rast za 9,5 odsto, potvrdila je nezavisna revizija poslovanja sarajevske farmaceutske kompanije.

Prošlogodišnji prihod od prodaje proizvoda iznosio je 109,6 miliona KM, što je za dva odsto više u odnosu na prethodnu godinu. "Bosnalijek" je na domaćem tržištu ubrao 69,9 miliona KM, što je na nivou iz 2008. godine. Kada je u pitanju izvoz, najveća tržišta "Bosnalijeka" bile su zemlje istočne Evrope i Rusije u kojima je zabilježen rast prodaje od 36 odsto, dok su u jugoistočnoj Evropi prihodi veći za devet odsto.